

施南府志卷之三

知施南府事王協夢監修

疆域

山川

楚爲澤國而施地多山蓋居楚之上游接壤黔蜀故山獨多於諸郡焉水惟清江爲大雖源於蜀然蜀水多濁而此獨清以掩映於碧波翠濤諸山則圖經所稱山明水秀者信矣夫山嵯峨而水清駛其人亦宜礪礪而英多其有應

施南府志

卷之三

疆域

一

昌期而出者乎志山川

施南府 恩施縣

回龍山在城內昂然奇秀如龍回顧登高瞻眺城景歷歷如畫下有圓通寺

象耳山在城內一名舵樓山上有修篁佳木下有流觴曲水明天順間建元妙觀於上學使吳白華改爲象牙山

鼇脊山在城內舊名龜山向建城隍廟於上後改建文昌祠及奎星樓移城隍廟於山下此山登覽可盡城

內外之勝學使吳白華改今名有詩載藝文志

成山在城內一名中印山上建成山書院後建土主廟
巴公祠均廢

瑞獅岩在城東南隅城跨其上岩壁鏤有釣臺二字

聯珠山在城東清江上五峰相連如貫珠亦名五峰山

宋政和中封山神爲嘉惠侯賜廟額曰永福今圯

龍首山與連珠山相接控清江之口新建連珠塔於上
官渡在府城東里許爲出山大道

鳳凰山在城東五里形勢天然宛如鳳跂

施南府志

卷之三

疆域

二

椅子山在城東十五里宋開慶初郡守謝昌元移州治

於此以據險要亦名州基山俗名舊州城

金瓦山在城東四十里崖石鱗次狀如屋瓦而色黃

石盤山在城東四十五里山頂有大石如盤

天樓山在城東五十六里山勢聳拔如危樓倚天

羊角山在城東六十里雙峰對峙亦名羚羊溪

銀頂山在城東八十里有高峰數十丈

畫屏山在城東百里翠崖丹嶂排列如畫

玉峰山在城東一百二十里近畫屏山恩建交界處峰

頂有眞武廟木梯鐵索以上廟外絕無餘地

斑鳩崖在城東一百里崖長五十里望之如城郭山上
卽戎角村村後山名五葆山東有筆架山

楊平山在城東南又有龍津山黃石山

活龍山在城南里許踞麒麟溪上俗呼活龍奔江今名
斷龍山

文筆山在城南五里雙峰卓立如筆亦名雙翠山山之
西又有丹鳳玉女二山

天成山在城南十五里兩峰干雲一水匝地中間橫石

施南府志

卷之三

疆域

三

成橋約四五丈爲南行大道名天橋

箐山亦名銀鑛山在城南三十里相傳舊出銀鑛西有
鐵冶

羅盞山在城南五十六里峯然數峰如覆螺杯一名螺
盞山

洪巖山在城南七十里由九拐山而上高出羣山上建
元妙觀俗呼小武當

金猫岩在城南一百二十五里地名欄牆口有岩絕高
岩半一石約長二三尺黃黑成文作伏拱勢如猫岩

脚有青石數枚若鼠俗呼金猫捕鼠此岩在天池塘之前

相公石在城南一百三十里地名鋸子梁有岩生石笋長三尺許清明日踏青人擲小石能中者生子必貴金雞山在城南一百四十里山產金雞故名

翠濤山在城西南五里勢如波濤層湧山外巨石突起數十丈有竅南北通明俗號通明山

磨嵯山在城西南十里有磨嵯神廟今圯

金柱山在城西南七十二里峰勢峭直其色如金

施南府志

卷之三

疆域

四

小紅山在城西里許周圍約四里平巒施翠上有軍民義塚

扇面山在城西三里

和尚岩在城西五里

宜山在城西五里與月臺對峙

瘦驢嶺在城西七里

先生坡在城西十五里相傳有名儒隱此見隱逸傳紅崖山在城南十五里東有鼓樓砦

藥山在城西二十里上產藥物下瞰麒麟溪

客星山在城西二十里複嶺重嶂蜿蜒磅礴南連雪嶺
高出雲霄

猿啼山在客星山北丹崖碧嶂林木葱蒨多猿啼聲冬
常積雪一名雪嶺又郡東八十里亦有猿啼山

銅甕山在城西七十里

賀山在城西三百餘里

飛鳳山在城西北郭外以形似名

銀錠山在城西北郭外山勢橫亘如銀鑄成

鍾離山在城西產仙茅

施南府志

卷之三

疆域

五

赭馬山在城西北一百一十里

石乳山在城西北一百七十里爲恩利建三縣連界處

山石層疊多生石乳

都亭山在城西北二百里崇岡深麓映帶左右下多良
田廣囿後周於此置亭州

碧波峰在城北郭外曲折逶迤蒼翠層湧望之如波濤
上有問月亭相傳李太白謫夜郎時於此把酒問月

詳古蹟志

挂榜岩在城北里許紅巖壁立宛如張榜

旗山在城北五里峰巒面面展若旌旗

望城坡在城北二十四里高峰特出上有紫雲觀

香城山在城北七十四里山多麝故名

金樓山在城北八十里崖石層疊狀若樓臺

車下岩在城北一百四十里地名墳前懸岩壁上生成
車下二字

巾子山在城北一百六十里峰頂狀如巾

扞山在城東北二十里阻深據高便於扞敵故名

大甕坡在城東北三十里出丫木峪大道

施南府志

卷之三

疆域

六

小甕坡在城東與大甕坡相近出三岔口大道

丫木峪在城東北四十里

雙樹門在城東北九十里雙山並峙如門南陵渡大道

大石嶺在城東北二百里一名仙掌嶺

銜洞在東關外清江渡口俗傳江岸有蝦蟆石見則歲

歉土人鑿此厭之

通天洞在城東十里其洞寬敞上有石竅通天內有田
有溪有古碑元明時人多題咏

大龍洞在城東十五里內有澄潭每日子午泛潮聲聞

數里通潮溪發源處歲旱禱雨多應

雨香洞在城東芷藥坪

神仙洞在城南五里洞懸半壁有丹竈石磴

影蛾洞在城南十五里天橋山下水光日影交映洞中
有碑載藝文志

百節洞在城南

穿洞在城西南八里亦名穿山

仙人洞在城南九十里鳳陽山下中有石田畦畛悉具
其流水聲宛若雷鳴

施南府志

卷之三

疆域

七

朝陽洞在城南一百里中有水清泚左右有石如鼓扣
之有聲洞外沙洲恒有神人足跡土人逢旱禱雨多
應驗

犀牛洞在城南一百二十五里舊鋪村洞門高一丈濶
八尺村多桂蘭當花放時人見洞中有牛出齧花追
之仍入洞中故名旁又一洞左右兩門相通明季村
人多避兵於此可容數百人今呼爲避兵洞

虎口洞在城西二十里客星山下

出水洞在城西二十里麒麟溪發源處

雙城洞在城北四十五里又東五十里有雙石城山下有雙洞

落水洞在城北六十里納七里溝水伏流十里出灣潭河又郡東亦有落水洞

穿山洞在城北六十里洞口偪仄中濶半里長里餘異石疊出皆具人物象又有石笋上下相接如屋棟玲瓏可觀旁有馬鞍山又有筆架山獅子山俱近杉木壩

七星洞在城北一百餘里七空迸流卽龍馬溪發源處

施南府志

卷之三

疆域

八

清江一名夷水在縣北源出縣西北羅鍋堰東南流逕縣城東轉東北又東流入建始縣界又東流入宜昌府長樂縣界又東流入荊州府宜都縣界入大江廩君乘土船從夷水至鹽陽注今施州清江縣水一名鹽水源出清江縣西都亭山後漢書西夷傳夷水出巴郡魚復縣江東南過很山縣南漢縣屬武陵故城在今長陽縣西注夷水卽很山清江也水色清照十丈分沙石蜀人見其澄清因名清江也水又逕建平沙渠縣縣有巫城南岸山道五百里其水歷縣東出焉夷水自沙渠入很

山縣水流淺狹纔得通船東逕難留城又東逕石室
又東與溫泉三水合又東逕很山故城南南對長楊
溪又東逕虎灘水經注清江自四川西陽州屬之黔
江經石碛廳過白楊渡入利川縣境至磁洞伏流三
十里至七藥山紅鶴花壩復出東南流至龍潭三渡
河水自西南注之至馬橋屯平溝河水自西南注之
又伏流數十里復出爲雪照河馬溪水自東南注之
又伏流三十里至恩施縣之木撫村復出新田溪水
自北流注之徑馬寨村乾坪溪水自西南流注之又

施南府志

卷之三

疆域

九

十里落葉壩溪水自北流注之又十五里壓松溪水
自西南流注之又十里帶河水自北流注之又十五
里鹽水溪水自西南流注之又五里盤龍溪水自東
北流注之至府城北遶而東通潮溪水自東流注之
又繞城東而南藥溪水自西南流注之麒麟溪水自
西流注之巴公溪水自西南流注之入峽口五里洗
爵溪水自北流注之又十里天橋河水自南流注之
又十五里金銀溪水自南流注之又五里爲長沙河
復入峽至芷藥坪忠建河水自南流注之又二十里

爲風水河又五里爲銀潭河又五里南陵渡水自北流注之又五里東遶村水自南流注之又十里爲忠建渡口又十里紅蘭溪水自東南流注之至新渡壩過施州塘入建始縣境尹家村水自南流注之又三里眠羊口水自北流注之又三十里入宜昌府巴東縣境爲九龍潭野三河水自西北流注之又十五里支井河水自北流注之又二十里四渡河水自北流注之又三十里至長樂縣之監井朗亭水自北流注之又六十里爲曾顏口高家堰水自北流注之至荆

施南府志

卷之三

疆域

十

州府宜都縣之清江觜入大江

按書禹貢和夷底績晁氏曰和夷二水名和水今雅州榮經縣北和川水自蠻界羅岳州東西來逕蒙山所謂青衣水而入岷江者也夷水出巴郡魚復縣東南過很山縣南又東過夷道縣北東入於江

鐵溝水在城東五里一名洗爵溪

馬公泉在城東十五里舊施州地宋嘉祐中運使馬某按部至州以城跨山不可鑿井乃相視水脈以竹引此泉入城中公私賴之因立祠其上號馬公泉

蓮花池在城東二十五里

朝貢水在城東六十里源出宣恩縣萬里山北流入清江

銀瀑在城東一百八十里斑鳩崖飛瀑如銀修篁間之望如珠簾掩映

紅蘭溪在城東一百八十里斑鳩崖下北流入清江
木里溪在城東三百里源出長望洞曲折數百里沿溪萬山深僻旁有平地可耕

靈陽溪在城東四百里地近鶴峰州

施南府志

卷之三

疆域

十一

龍平溪在城東南二百餘里合細沙溪

麒麟溪在城南郭外半里發源自西山至夏水極冷一名冷水河繞城南而東入清江俗傳宋雍熙中有麒麟出此因名

巴公溪在城南里許有二源一出藥山一出城南三十里鼓樓山合於翠濤山下至城南二里入清江

梅溪在城南巴公溪上流里許

天橋水在城南十五里源出黃連溪合石欄溪硃砂溪二里穿橋至芷藥坪入清江

金印溪在城南三十里源出銀鑛山東流合覆盆水又東合石板溪水北流三十里入清江

乾溪在城南三十五里

黃連溪在城南七十里

蝦蟆池在城南一百二十里池多蝦蟆方春水生輒跳躑出岸間前趾變爲羽隨衆禽飛去土人常得之雀

網中

龜溪在城西南七里宋時產靈龜

頭渡河在城西南源咸豐縣十五里龍崗口

施南府志

卷之三

疆域

十二

硃砂溪在城西南三十五里合黃連溪徑天成山石橋下又東北流入清江

芭蕉溪在城西南五十里

九龍溪在城西南七十里源出紅崖山下東北流合清江一名甘平溪

天池在城西南九十里

菖蒲溪在城西南一百九十里源出東門山西流逕歌羅砦會黃姑溪下流合於西溪傍多菖蒲故名

黑崗河在城西南二百二十里有二源皆出咸豐縣一

由西南流過地壩砦徑普落溪西南流入四川酉陽
黔江縣界亦謂之黔水一由西南流至廢龍潭土司
東繞其南流至廢唐崖土司界與徑普落溪者合流
亦稱唐崖河

黔黎溪在城西南三百四十里源出北荒

藥水溪在城西郭外源自西山繞城西而南入清江相
傳羽士洗藥流觴其間故名

腰帶溪在城西五里源出西山流逕宜山下南入麒麟
溪

施南府志

卷之三

疆域

十三

冷水河在城西八里高橋壩源由西山出水洞奔流而
下溪中多奇石異形俗呼青獅白象

虎溪在城西十三里源出虎口洞逕小高橋入冷水河
龍池在城西北一百六十里相傳有龍潛此

益泉在城北郭外一名宜泉味最甘爲縣境諸水之冠
今名唐家灣

擂鼓灘在城北五里清江經流灘聲如鼓高下有節可
聽

蟠龍溪在城北五里逕舊施州驛馬公泉下昔傳有龍

蟠於此

長堰塘在城北五里

沙河在城北二十里一自卅六荒發源一自二坡發源
皆山澗匯流至城東合通潮溪下流入清江

灣潭河在城北八十里源出小溪南流至瓜龍壩金銀
砦仙魚溪二水西注於衣角壩會龍馬溪水合流入
清江

會水河在城北八十里有二源一出甘水埡一出龍潭
灣合流逕楠木橋至高牌入龍馬溪河

施南府志

卷之三

疆域

十四

龍馬溪在城北一百里發源七星洞南流逕觀音崖至
帶河入清江相傳牧馬河濱多生龍駒故名亦名沱
水

丹陽溪在城北一百七十里源出石乳山流經麁子渡
龍駒河又東流至大沙河下會南里渡入清江今名
太陽河

九渡溪在城北二百里源出四川酉陽州彭水縣石砦
司流入縣界至都亭山下又東入清江居民引此水
以溉田

通潮溪在城東北南近連珠山源出大龍洞其水日消
長如潮

嘉蓮池在城內柿子壩舊名鼓角池宋端拱元年生嘉
蓮故名

洗馬池在城內協署西轅門左

衛塘在城內府學署右原係衛塘園池

龍岡井在城內迴龍山下圓通寺中明景泰間鑿甘冽
異常

六六井在城內府學署中訓導李宗汾鑿有銘載藝文

施南府志

卷之三

疆域

十五

志

葵花井在城內西南隅舊名局井

宣恩縣

天馬山在縣境又有墨把山七峰聳拔又有通積山勞
喜山水心山

墨達山在縣境土人謂天爲墨言山高接天也又明珠
山西有三十六峰羣山環峙亘繞前後又有紗帽山
三開山

雙尖山在縣境又有奴闌山茅山師壁山

吾山在縣境又有蒲載山低罕山前山木冊山後山

金龍山在縣境

來龍山在縣境下有醴泉

筆架山五峰高聳馬鞍山形如馬鞍俱在縣境

龍馬山在東鄉司署前

觀音山在東鄉里山形儼如大士像蓮座如畫

東門山在縣東南六十里舊有關名東門關石磴凡千

五百級

五柱峰一名轎頂山在縣境歌羅砦一峰孤聳橫亘歌

施南府志

卷之三

疆域

十六

羅寨中奇秀可觀山下有溪中流石磊磊如繁星名

滿天星

太平山在縣東南七十五里明玉珍據蜀時土人避兵

於此獲全因名

紫金山在縣東南一百里

將軍山在忠崗地衆山皆小惟此獨大

五老山在縣治西五峰聳拔雲氣出沒可占晴雨

天柱峰在縣境

仙人礮在縣西施南里兩山並峙中亘石梁濶丈餘長

十餘丈高三十丈許真奇境也

二仙崖在縣西南

疊翠山在縣治東北層巒疊翠

仙人崗在東鄉里崗口石如人跡

龍洞在縣西五里水自澗湧洞深莫測

仙佛潭在縣南忠建里崖石鑿佛像高十餘丈

忠建河在縣東鄉

白水河在縣南源出將軍山流逕縣界西南流入來鳳縣界又南流謂之漫水其上流亦名車溪亦名酉溪

施南府志

卷之三

疆域

十七

白水河流出將軍山西南流車東河自容美司來合

焉

以上並見明史地理志

白水河發源於宣恩鶴峰交界之處

凡三派一入恩施縣一入鶴峰州一入宣恩縣由忠

崗會冉大河至來鳳之卯崗入辰河

見湖北通志

冉大河在縣南一百二十里

瑪瑙湖在縣南一百三十里

兩河口在縣東鄉一自洗馬坪發源一自雞公嶺併入

房溪至東鄉鎮合流名兩河口入忠建河達清江

細沙溪源出東門山流入龍平溪

白鳳溪源出東門山流合西溪名三江口

弄羅溪在縣境相近又有車弄溪

白沙溪白石溪三花溪下流俱入清江又石壁溪石板

溪九曲溪俱在縣境合流入清江

玉帶溪在縣東鄉自咸豐縣之孫家壩發源經馬河壩

龍坪洗上入縣境遶城而下名忠建河入清江古稱

渭溪卽此

李溪在縣南七十五里

龍溪在高羅每當歲早有雲覆其上卽雨

施南府志

卷之三

疆域

十八

紅花溪在縣南一百二十里名頭道水崖多杜鵑花映

水皆紅

布袋溪在縣東南八十里

白鶴池在縣北門外

仙女池在縣東鄉明玉珍據蜀時選施州常平鄉譚向

二姓女入宮二女結伴投池內死後池自生蓮因名

馬鹿池在縣東鄉金龍坪

來鳳縣

迴龍山在縣西一里上有佛菴遺址相傳唐時建

虎耳山在縣西一里伏虎洞對面高十餘丈通黔蜀大道

紅桂坡在縣北一里高可十丈爲縣治來龍上多紅桂翔鳳山在縣南三里山形聳拔如翔鳳故名又名近鳳山上有觀音寺流水兩道與官渡河合

老鷹坡在縣東十里

佛堂崖在縣東十里有崖壁立河上鑿有石佛

九龍山在縣南十五里九峰接連如龍蟠下有九龍洞洞中有靈禱雨卽應

施南府志

卷之三

疆域

十九

獅象二山在縣南二十五里兩山對峙中夾一澗

馬鬃嶺在縣南三十里嘉慶元年樊副將繼祖曾駐兵於此

貴帽山在縣南三十里

梯子崖在縣西南九十里

梅子嶺在縣西南一百二十里

翠雲山在縣西二十里一峰高聳蒼翠入雲

勒馬坡在縣西三十五里乾隆二十年典史張成堞勒馬過此病其險捐修道路因名

三尖山在縣西北三十里

佛山在縣境又有武山懷來山白鳳山鬼山

五馬山在縣北十里五峰高聳如馬

伏虎洞在縣西里許

孝子洞在縣西二里嘉慶元年生員周南奉親避難罵

賊遇害處署令王公三錫憫之因題曰孝子洞

龍洞在縣北五里

涼風洞在縣西南十里

爛柴洞在縣東十五里

施南府志

卷之三

疆域

二十

樂洞一名三樂崗在城西十五里崗中平曠可容數十

人

仙人洞在縣南四十里

犀牛洞在縣南七十里

花魚洞在縣東北二十里

天姥崗在百戶司

東門河源出峽口寨下流入卯崗

卯崗在縣西南一百二十里中多異境

佛堂河在縣東十五里佛堂崖卽宣恩之白河也繞城

東與近鳳寨河合至卯崙東流入辰河

客寨河在縣南一里流出宣恩縣東至客寨河入龍津
南入卯崙

板橋河在縣西半里流出漫塘下流入卯崙

欄河在縣西一里下流入卯崙

近鳳寨在縣南三里源出將軍山流入宣恩縣界爲白
水河西南入縣界爲佛堂河下流至卯崙百餘里中
受小大十三道滙爲大河始可通舟

紅崖河在縣南三十里源出穀皮嶺天蒜坪兩山對峙

施南府志

卷之三

疆域

二十一

中夾一澗春夏水漲東流司屬各溪水奔流湍激雖
有官渡行旅苦之

高崙河在縣西南三十里

上寨河在縣西四十里

漫水河滙各溪流下入卯崙

紡車溪在縣西一百二十里源出永安壩下流入卯崙

怯道河在縣西一百三十里源出酉陽州至涼水井入

卯崙

水溪源出後山繞縣西而東南流至虎七溪入白水河

達東溪芭蕉溪俱在縣境

咸豐縣

角樓山在縣城內

月山在縣城內勢曲如月前有三山峙列如星名三星拱月

秀屏山在縣治前青峰高聳若屏

積翠山在縣治北門外峰巒秀麗林木蒼翠境內之奇觀

朝陽山在縣治北門外與城內相連一名飛鳳山

施南府志

卷之三

疆域

二十二

象鼻山在縣東十里形如象鼻橫截溪流水從中過

猴子嶺在縣東十五里

朝霞嶺在縣東五十里峻嶺崑峩旭日將昇霞彩映射韓信坡在縣境

小關山在縣東百里古置關其上又有官保山菊花官山石乳山衙門山俱在縣境

青龍山在城南每嶺上生雲卽雨

二仙崖在城南一百八十里岩頭方廣四十里

積玉山在縣境高峻積雪經春不消其南一里曰十三

盤山旁有黑洞巖若城門水從中流二里許始出門
繞縣北爲青崖寨谷等溪其上又有一小洞伐木爲
欄明洪武中征蠻兵嘗經此

梅家山在縣南二十里

牌樓山在縣境又有對山萬峰山亦曰杉篁洞頂有池
流爲杉篁碧壘子等溪

唐崖在縣西五十里

二仙崖在縣北抵黔江縣界壁立數十丈岩頂方廣四
十餘里上有飛瀑三道下流成河

施南府志

卷之三

疆域

二十三

中界坡在縣東北百里

陽崗在縣西五里

金崗在縣東北六十里

頭渡河在縣東十里源出龍洞口其水魚多

西北江在縣西二十里有二溪合流入山洞中上卽

天成橋伏流二十里至唐崖出爲乾溪河下流入龍

潭河

龍潭河源出利川縣至金崗過太平壩到龍潭河繞唐
崖出百節壩至彭水縣入夔江

萬頃湖在縣西南一百八十里接四川彭水縣界
兩會溪積玉山澗水所匯流也

普藥溪在縣境又有乾溪流入黑洞河

瀑布泉在縣東三十里泉出崖間如飄素練

清水泉在縣東百里有二色如藍靛

馬家池在縣西北七十里

墨池在城北舊學宮地水泉香美池畔多黑石

廣利井在縣城內

杜家塘在城東五里寬數畝其深莫測

施南府志

卷之三

疆域

二十四

利川縣

木梳山在城東三里山勢盤曲石齒編爛烟鬟聳翠日

木梳螺髻

降雨山在城東四里舊名老鸛窠每旱歲此山生雲頃

刻卽雨

滴水岩在城東十二里峭壁崔嵬上有飛泉下流下有

紫石光

筆架山在城東二十五里數峰羅列大小差如筆架對

面有文筆峰

金字山在城東四十里與都亭山接一峰特立形類金字舊志誤作巾子山

團寶山在城東十里峰巒蜿蜒如蟠龍上有石龍寺

龍洞坪在城東七十里洞中奔流成溪遊人每泛舟入

洞中莫測深淺

道東山在城東九十里

青岩在城東一百二十里青壁峻峭與夾背山相連

都亭山在城東與恩施縣相連通典清江縣有都亭山

夷水所出方輿勝覽云後周置亭州因此山爲名

施南府志

卷之三

疆域

二十五

乾溪山在城南八里山勢嵯峨每三冬積雪經春不消

鐘嶺山在城南十五里又呼鐘靈山上生石筍

銅鼓山在城南一百八十里高崖旁有一石上大下小

呼爲銅鑼鐘

石穿山在城南二百里山石中穿如橋梁可通往來與

銅鼓山相對

太平山在城南二百餘里又名太平鎮

王母山在城南二百餘里奇峰聳峙高出衆山上有王

母廟

大木嶺在縣西南百里

回子坡在縣西南一百三十里

大木峰在縣西南二百里與四川黔江縣分界

掛子山在縣西南與四川酆都交界改土後兩省民爭

界控部咨湖北巡撫會兩省委員查勘定界立有界

碑記見藝文志

大洞山在城西二里舊志小山高六尺石竅空洞曉光

映發白雲從中發頃刻徧野

象獅坡在城西二十里兩山對峙以形似名

施南府志

卷之三

疆域

二十六

獅子岩在城西二十五里山石峻嶒像獅子

乾溪山在縣西三十里

龍泉山在縣西三十里七藥山之祖也

一品山在縣西四十里

綠葱山在縣西六十里

七星岩在縣西七十里壁立千仞當夕陽倒映望如七

星

佛保山在城西八十里

公母寨在城西九十里

馬鹿山在城西一百二十里

連珠山在縣西一百二十八里

百丈坡在縣西一百三十里

天平山在縣西一百三十里

烏通山在縣西一百三十里里人種茶其上號烏通茶

石乳山在城西一百七十里爲恩施利川建始三縣分

界

賀山在城西一百八十里明初討諸蠻大敗之還次此

山分道勦捕散毛崗皆大勝之因名賀山

施南府志

卷之三

疆域

二十七

馬鞍山在縣西二百里

飛水岩在縣西二百里

七藥山在縣城西二百餘里與支羅所相近長百餘里

外爲忠路內則都會三壩昔漢蠻分界處一名七曜

山賦役冊作齊岳山

三萬箐在城西二百餘里

雲頭山在縣城西三百三十里

白虎山在縣城西二百五十里

笋子山在縣西二百六十里

青龍山在縣城西三百里

鐵爐山在縣城北五里有泉四時不涸不溢上有廟

金紫山在縣北七十里

衙門山在縣北一百三十里明時黃中之變據此上立
僞署故名下有沃田萬頃

五原山在縣北一百三十里

野豬坪在縣東北七十里

太平砦錦屏山鳳皇山龍岡山大箐小箐十二盤紅扳
岩俱在縣境

施南府志

卷之三

疆域

二十八

官渡河在縣東五里至乾溪洞伏流數十里出爲銀照

河又名雪照河卽清江之源

沈家河卽官渡河之源

下馬溪在縣東七十里

麻柳堰在縣南二里

堰水在縣南五十里

小谷溪在城南二百里

雙河在城南二百里

七孔子溪在城南二百里

龍潭在城南二百一十里

太極河在城西南十里

黑溪在城西南六十里

前江源出七藥山西南入後江又西至馬崖峽入四川

彭水縣界

後江在城西南一百二十里西流入前江

沙溪在縣西南二百六十里

龍潭在城西八里

革井溪在縣西八十里又有相應溪

施南府志

卷之三

疆域

二十九

木壩河在城西九十里

五源溪在城西一百二十里

鹽井潭在城西一百二十里

桂花潭在城西一百二十里

連三潭在城西一百二十里

馬泥河在城西一百二十八里

龍嘴河在縣西一百三十五里

茅潭河在縣西一百四十里

清灘溪在縣西一百八十里

觀音洞在城東八里

落水洞在縣東三十里又前爲烏龍洞又前爲鮎魚洞

城東之水飛入洞中伏流地下水石成聲

李家洞在城南三百餘里

老龍洞在城西五里

蟠龍洞在城西三十里

躍魚洞在城西一百二十里

天心洞在城西一百二十里

千佛洞在城西一百三十里

施南府志

卷之三

疆域

三十

涼風洞在城西二百八十里

長堰洞在城西北四十里

慈洞在城北九十里

建始縣

祿山在縣東二十里山多鳥獸昔崑蠻恃以爲廩祿因名

銀山在縣東三十里石壁峻峭色白如銀俗呼把繫沱

後山

州基山在縣東三十里隨業州置於此今呼棉花壩後

山相近有石柱山

猿啼山在縣東二十五里黃知命有小猿叫驛詩卽此
連山坡在縣東一百五十里

土地嶺在縣東一百六十里

羊北隴在縣東南三十里

望坪在縣東南一百二十里山脚周圍不三里而岩巽
直接雲漢外山環爲垣墉中峰則孤撐一柱也峰頂
有廟明嘉靖年間建有碑

虎鷄嶺在縣東二百九十里

施南府志

卷之三

疆域

三十一

文山在縣南五里崖如筆架中峰孤秀俗呼龔家崖明
都憲林俊改名

景陽山在縣南十里

連珠山在縣西南十里卽朝陽觀後脈

魚龍山在縣西五里

石乳山在縣西五里懸崖層疊多生石乳

藥山在縣西七十里俗名五十二壩出黃蘗黃連木通
貝母諸藥

龍鳳山在縣北二十里玉峰禪師卓錫處

當陽山在縣北四十里每日光初出卽映照崖上因名千丈崖在縣北八十里與四川奉節縣分界扯著坡在縣北一百一十里山勢陡峻言車馬至此必牽扯乃得上也

大石嶺在縣北一百二十里

燕子龕在縣境乾溝之側行者無旅店可棲往往投宿龕中

石通洞在縣南黃山谷遊此書有涪翁二字

清江在縣南一百五十里自恩施縣流入又東入巴東

施南府志

卷之三

疆域

三十二

長陽縣界卽古夷水也

縣前河在縣前源出縣西北當陽壩羣山崱屺隱蔽天日泉從山罅縣注而下俗呼紅崖水漂流漸遠羣溪湊之經龍門子晏公潭由縣城西南遶而東行有小河自馬欄溪入之又東二十餘里與兩溪會下爲馬水河

馬水河在縣東三十里

毛茸河在縣東一百四十里源出縣東龍潭坪南流爲枝津河下爲毛茸河至巴東之桃符口入清江

龍駒河在縣南四十里源出石乳關東流爲太陽河經
麋子渡下始名龍駒河又東流至大沙河下會南里
渡入清江大沙河卽馬水河下流也

兩溪河在縣北二十里自蒲潭溪折西北流有桐木溪
自西來又南有木瓜溪合二水自西北來會故曰兩
溪亦名兩會口曲折東流與縣前河會

野三河源出深油坪會毛茸河至九龍潭入清江

施南府志

卷之三

疆域

三十三

施南府志卷之三終